

OMUKWETU



40c

No. 9

ISBN 0-620-06828-0

Nakaziko otaa kongo oshiho- lameno kondjahi yoKoevoeta

Omusamane Tomas Nakaziko (45) neefolo lye Selma Nakaziko (44) ayehe aalongisikola posikola yaMuthiya, ookilometa 80 muuzilo wOndangwa, omasiku gaPaasa kuyo nokaanegumbo lyawo ayehe, kaga li we omasiku guukumwe waanegumbo, wombili neviluluko.

Yo Opaasa oye yi dhanene meholamo, muuwike nometilo enene lyaashono tashi vulu okwaadha oomwenyo dhawo. Pahokololo lyomusamane, onkalamwenyo yomeholamo oye yi takeme okuza 16.4.1987 sho etanga lyegameno lya SA lya tsakanene netanga lya SWAPO menkolo lyepya lye ndyoka li li ashike ookilometa ndatu okuza mondjila onene yokuya kUushimba.

“Osha li sha ningwa pokati komutenya naatuhe aakuluntu naanona, otwa adhika tu li kiilonga yosikola,” osho tate Nakaziko a hokolola pOmukwetu noshipala shu udha natango ehaluko.

Konima yolugodhi ndoka, okwa tsikile nehokololo lye a ti, oKoevoeta oye ya megumbo lye e tayi gongele mo omaliko agehe ga simana, e tayi hwameke ondunda onene yegumbo sigo ya ongotele mumwe.

Okuza kethimbo ndyoka egumbo alihe lyaNakaziko olya kanitha ehala, omaliko, iilonga negameno lyopauntu lyesiku kehe, sho yu uvu oKoevoeta tayi ya kongo notayi langlele egumbo lyawo.

Nakaziko okwa tsakanene nOmukwetu petameko lyaMai pethimbo ndyoka ta ningi natango oonkambadhala dhokukonga egameno. “Kandi shi wo shono oKoevoeta tayi vulu okuningila ndje ngele tayi itsu ndje melundu lyowala kokule naantu,”

osho a tumbula manga ta kambadhala okuholeka oluhodhi moshipala she.

Eigandjo lyaNakaziko kombelewa yaapolosi kOshakati neyamukulo ndyoka a pewa ko a shune owala kegumbo lye, ota ti

inashi mu tsa omukumo noinashi kandula po natango etilo lyaashono taa vulu natango okuningilwa kumbaka ya kala taye mu kongo.

Omusamane Oswald Shivute, Amushanga gwowina mombelewa yomusamane Pieter



Ondunda onene yegumbo ndjoka ya ongotele mumwe komulilo

Kalangula moonkundathana dhawo na-Kapitiya Gunter omolwegameno lyaantu mbaka naye okwi indile neitulomo ombelewa yaapolosi “yi ninge ashihe tayi vulu” eiuvo li na ombili kegameno lyooNakaziko.

Omulongi Nakaziko oku na oshimpwiyu oshinene nomukulukadhi gwe ngoka a ti

kutya oku li mehaluko enene. Meme Selma oye wo e li omukuluntusikola yaMuthiya ndjoka yi na uunona tau tengenekwa 500. Oku na wo oshimpwiyu sholuvalo lwe ndoka lu li ngashingeyi mehalakano.

Tala kep. 6

MAI 15, 1987

Eshi Ongeleki muAmerika ya tambula ko oshikundafanwa shemanguluko laNamibia ongoshinakuwanifwa, otashi monika monghendabala yayo eshi ya ifana oshoongalele shinene muAmerika alishe pokati kaMaalitsa neudo okuhonga nokuyelifila oshiwana shinya shi ude ko omhumbwe yemanguluko laNamibia.

"Emanguluko laNamibia oshimwe shomoinima oyo tai teya omunhu omukumo ongeleki tai longo nayo, ndele noshoo-ngalele eshi ohatu hetekele natango (ongeleki) tu yelule epulo lemanguluko laNamibia pombada," eshi osha tiwa ku-James Crumley, Jr, umwe womovabishofi vatatu vOngeleki onghwaLuther moshilongo osho.

Konima yoshoongalele osho shovanhu 700, va dile momaifano aeshe, ovanhu konyala 10,000 ova fikamena eembelewa depangelo tava indile Namibia li manguluke pe he na epulo IOvacuba muAngola.

Chikane a ninga hamushanga wehangano leengeleki mu SA

Omufita Frank Chikane (36) okwa hololwa newi limwe ohani ei a ninge Hamushangandjai wOraata yeengeleki mu SA (SACC). Ehoololo laye ola ningwa eshi omufita Beyers Naude ou a kala moshilonga osho, taka mana ko efimbo leyakulo laye mohani tai uya (Juni).



Omufita Frank Chikane


Ongeleki muAmerika nemanguluko laNamibia



Oshigongi osha li sha hulithwa nuulalelo uuyapuki. Euvitho olya ningwa komumbisofi K.Dumeni, kolulyo methano ndika. Aanamibia aailongi muAmerika alihe oya hiylwe wo moshigongi shoka na 90 oya holokele. Aambisofi yatatu nayo iipala yawo otayi monika methano ndika.

A dalelwa molukanda la fimana muSoweto, popepi naJohannesburg, konima yeedula 36 da pita, Chikane okwa kufwa mokanya onghatu yotete mounongononi (B.Sc.) kouyehame fimbo ta fikola mounivesiti yaTurffloop.

Okwa ka ninga omupresidende wopedu wehangano tali kondjifa okatongotongo mu SA,



Omufita Beyers Naude

laUnited Democratic Front (UDF). Okwa kala yo hamushanga omukulunhu wofikola you-teoloxi wemengaluluko. Omudo wa dja ko Chikane okwa tambula koshikondo shoudiakoni muSweden epapa mokukondjela ombili nouyuki moshilongo shaye.

"Onda hoololelwa oshilonga shinene mounyasha wange mefimbo lidjuu. Ashike ou a ifana nge oye yo a udaneka okukala pufye fiyo opexulilo lomafimbo," osho sha li omatumbulo aye eshi a pulwa osho e uditile ehoololo.

Epulo

Onda hala ndi pukululwe kutya, omolwashike ehanganano lyaakongindjilamati ihaali monika we mokati ketu, nonando ehanganano lyaakongindjilakadhona tali tsikile noshilonga shalyo?

Titus Panduleni Angula
Omindamba Comb. School

Eyamukulo

Ehanganano lyaakongindjilamati olya patwa kepangelo lya SA, onke itali vulu okulonga manga.

Amushanga gwOmukwetu

Ngele to longitha edhina lye-futamo, hololela omulongeki-dhi gwoshifo edhina lyoye nondjukithi.

“Ovanelao ovaava hava itavele nande inava mona”

Jesus omuhongi munene nomuudifi omunandunge nomunanghono, paife ohatu hange ta tangunine Tomas umwe wovahongwa ovo Jesus mwene e va hongwa nokwe va longekida nawa opo e va tume va ka udife evangeli lomwenyo nenyumuko olo hali di mokwiitavela evangeli laJesus Omona waKalunga.

Joh.20:29



Jesus okwa shiiva naana oungone weitavelo lovahongwa vaye nomalimbililo avo luhapu, eshi a kala navo meetundi eshi te va longo okuudifa evangeli olo ve na okuudifila ovana vounyuni ou. Onghee Jesus okwa li a tala ita dulu ashike okufya nokudja mombila a yukilila meulu, ndele omolwovahongwa neitavelo lavo, okwa li e na okuliholola kuvo konima yenyumuko laye.

Nelalakano lelihologo eli okukoleka eitevelo lovahongwa vaye, opo va ka udife oshili shekulilo nenyumuko la longwa nola longekidwa muJesus Kristus. Va udife osho ve shi uda muJesus ngashi va mona nomesho avo vene, va dule okuudifa Jesus ou e tu fila nokwe tu nyumukila, opo ovaitaveli va itavele efyo nenyumuko laJesus mokuwanifa ekulilo. 1Joh.1:1

Jesus okwa li a tala elihololo laye lwotete eshi e lihololela ovahongwa vaye osha wana ngeno ndelenee omolwaTomas okwa li e na vali oku ve lihololela nani olutivali opo a koleke eitavelo laTomas.

Jesus okwa tila okutuma omuudifi eneitavelo la limbililwa ongaTomas. Ombibeli inayi holola nande kutya Tomas okwa li peni eshi Omwene e uya mondjuwo inya omo mwa li ovahongwa venya, ndele ashike okwa tiwa Jesus eshi e uya mo, Tomas ka li mo.

Omufatululi wotete umwe okwa ti, Jesus ka li naana e na ehalo okushuna kondjuwo inya ndele nee omolwaTomas okwa li e na okushuna, opo Tomas a kolekelwe eitavelo laye ye, a tumwe, pamwe noovakwawo a ka udife ta popi oshili ongaPetrus ou ta ti: “Fye itatu udifa ngeno eengano da tungwa” nounghulungu, ndele ohatu udifa oshili osheshi omesho etu okwa tala nomake etu okwa kuma, nomatwi etu okwa uda ondaka ya dya meulu ya ti: Ou Omumwange omuholike nde mu hokwa mu udeni.” 2 Petr.1:16

Omwitaveli nomuudifi u li mefimbo eli, oto pulwa eitavelo loye, u udife Kristus omuvalelwa komushiyakano, to popi oshili oyo we i pewa kevaengeli nokomalongo e na omwenyo a dja nowe a hongwa meendjovo daKristus. Otashi kala oshitilifi komuudifi ta udifa e he na eitavelo li na omwenyo li he na omidi muKristus Jesus.

Tashi dulika omuudifi a tya ngaha a udifile eongalo nongeleki, kutya vati Jesus okwa

nyumuka. Vati oku na enyumuko neetelelo louhamba waKalunga. Vati oku na ekulilo. Eudifo tali longifa “Vati” “Aniwa”, eudifo la tya ngaha otali eta oshiponga shokupundukifa ovaitaveli vahapu noku va twala mekano laalushe.

Ofyeni atusheni ohatu pumbwa eitavelo laJesus li na omwenyo. “Omuyuki wange ota kala e nomwenyo omolweitavelo.”

Omuudifi keshe ota dulu okulonga oshilonga shi nomwenyo meongalo ndele ongeenge a djalekwa eitavelo a kufwa omalimbililo. Tomas eshi a tomhwa kuKristus okwe li hepaulula shili okuli yandja kuKristus “Omwene kwafe nge ndi kale omwiitaveli washili.” Tomas okwa filwa onghenda neitavelo laye ola kolekwa ndee ta i a ka udife evangeli fiyo omuIndia omo a ka fila ta udifa Kristus Jesus noshili yenyumuko laye.

Komwiitaveli keshe nokomuudifi keshe, eitavelo olo eenghono nomuvelo wokuya mexupifo. Olo tali tu pe eenghono dokuholola Kristus mounyuni ou nde tali tu kufa oumbada wokuhokolola omatimba etu nokutambula edimo lomatimba muKristus nomohonde yaye.

Joh.3:16-18. Luk.24:26-47

Tu imbe pamwe tu tye:

3. Ondjila yokuya mexupifo
I ulikile nge nomeyeleko
Pe nge eameno ndi mone efudifo
Omwene kwoove ou nda djuulukwa.
4. Oweenda ngeenge ou nda xulifa
Lwokoove handi ya nokunyanyukwa
Oudjuu wa xula po Pu nomapandulo
Omwene kwoove ou nda djuulukwa

Ewi HL 243

Mehangano 333
S.M.Haimbili

ESO

Okamatyona Frans T.Pinehas Nangombe (17) egongalo Ontananga oka manene oondjenda dhako meti 16.4.1987 moshiponga sheimangleko. Oka thigi ko he nayina naawayina.

Ehololo 21:3-4
Eimbilo 549

Anna Nangula P.Shipanga
Okaonde-Esheshete

Oshilongo oshivanawa

“Oshilongo, to ke shi ya mo, u ke shi lale ko, oshoye mwene oshilongo shi na oondundu nomasilu, tashi kumwa omeya gomvula yomegulu,” Deut.11:11

Moses okwa popi noshigwana she sho ya li molweendo yu uka kevi lyeuvaneko. Okwa yeleanitha iilongo mbika iyali, hoka taa zi naahoka taa yi. MuEgipiti Aaisraeli oya li ya tseyika nawa muulimimapyo wawo. Omeya ngoka ya li haa longitha oye ga kutha momulonga gwaNil. Omeya taga ende momikanka. Omapya gawo oga li iikunino yiikwamboga. Omapya ga li taga longwa nuudhiginini.

MuKaanana mevi lyeuvaneko omeya oga kala taga ende go gene; taga zi megulu kuKalunga. Moses okwa lombwele oshigwana she: “osho oshilongo moka Kalunga te ke ku sila oshimpwiyu”.

Moses ota hokolola oshilongo shaKaanana, kutya oshilongo shoondundu nomasilu. Shono otashi ti oshilongo shi na omatondokelo gomeya noothithiya. Oshilongo shomeya ogendji, oshilongo moka tamu kunguluka omahini ngoka taga etwa komeya ogendji. Ishewe oshi li metonatelo lyaKalunga, muudhigu nokuya muupe, mekwatho.

Shono osho tashi ningilwa omukriste kehe, ota kuthwa muudhigu nota tembudhilwa muuwanawa metonatelo lyaKalunga. Omeya gaEgipiti ihaga pwine nando, oge li po ethimbo alihe. Omeya haga zi moondundu oonde dhaAfrika, nando Aayegipiti haayehe ye shi mpoka tapu zi omeya gawo, yo oye shi shi kutya omeya opo ge li.

Omeya gomvula kege shi kwiinkelwa. Ethimbo limwe omvula ohayi kala inaayi loka. Oompompolonga dhomoondundu ohadhi pwine, oothishiya tadhi kala itaadhi eta we omeya.

Omeya gaKaanana omahwepo shili? Omeya gaKaanana itaga pwine? Kaantu mboka yi inekela Kalunga, Omuwa ite ya ethele memakelo. Omuwa ota pula owala oshigwana shika shi ende pahalo lye, noshi kale tashi uvu kuye oye note shi sile oshimpwiyu nomvula otayi kala ko aluhe.

Okwiitula momake gaKalunga, Kalunga ite ku pula sha, kee na sho ta pula ndje. Shoka ta pula osho okwiigandja wa mana mo, u na einekelo nevuliko. Ngoka ta yi momake gaKalunga ota mono nota monika nkene omwenyo gwe gwa lunduluka, gwa ninga omupe tagu fuluka ombili yopaKalunga, pwaa na ngoka te ku limbililwa.


Manasse H.T.Hihangwapo

Nakaziko otaa kongo....

Dha za kep. 1

Okwa zimine kutya okwa kala a tsey a omai-nyengo gaamati momudhingoloko gwenkolo lye. "Shika osho nda hokolola nokoshipala shaapolosi, kutya omoluumbanda wokutila oshilanduli, kanda li te vulu okuninga sha kugo."

Omukwetu sho a ka thikamena oshithigwa po shoo Nakaziko pOmuthiya, okwi itsu mehala li na emweno etilithi, lya sa




Okasikopa oka kookololelwa pondje noka teyagulwa

mwenyo yomiihwa.

Omikala adhihe dhegumbo odha li dha yengela. Omasiga pelugo oga mwena thilu,

kombanda ya fa yi li nawa, ihe meni lyayo, otayi monika ya fa oondoongi dha lala molupale lwiilya yomushokolo. Payalulo lyomusamane Nakaziko mwene, eliko



Omusamane T. Nakaziko

uupongo nolya nika ombepo yehalutho. Oondjuhwa dhimwe odha li tadhi matuka natango nomikala pamukalo gwiina-




Iinyakwi yookofa noonguwo mbyoka ya hupa momulilo

ihaga yakula we sha, omiyelo dhoo-ndunda odhe eguluka. Oondunda oonene mbali dhegumbo dhiipeleki, otadhi monika natango dhi li mehanauko etilithi. Ondjugo ontiyali oya ongotela momutoko naashihe ngiika sha li mo.

ndyoka lya yiwa nalyo ketanga lyegameno oli li ngeyi:

- Oondjembo mbali, epakolwa nomushasho;
- Omashina gaali gokuhondja;
- Ooradio mbali, yongelema noyesiku



Meme Selma Nakaziko

Onkwawo oyo yali tayi monika natango

Tala kep. tali landula

Nakaziko otaa kongo oshiholameno....



Ombinga yegumbo tayi monika keelo

- kehe;
- R 1000-00;
- Uumbo utatu wombaanga;
- Ombete yimwe;
- Iipakete yombiila 20 (yowala):
- Oondoloma dhomeya mbali;
- Niizalomwa yoshilumentu noyoshikii-ntu;

Mondunda ndjoka ya pipo omwa pila wo oosikopa dhoonguwo 4. Omukwetu ina

mona ekoleko kaapolosi yiinima ayihe mbyoka.

Etilo lyoshilanduli komwenyo gwe nogwanegumbo lye, omusamane Nakaziko oshe mu thiminika a konge ekwatho lyehangano lyomushigakano omutiligane ndyoka a ti olya taamba ko eindilo notali ka tameka mbala nomakonakono galyo.

Sebulon Ekandjo

kushikwao onguloshi yeti 23.4.1987 eshi omulumenhu umwe natango e uya meumbo lavo ta indile ovaneumbo okapalwa. Mwene weumbo, Haimbili, eshi a holoka a pwilikine eindilo lokapalwa oufiku, omulumenhu okwe mu ilikana e he mu monife nande oshiponga shasha. Okwa londa odalate nova faduka po. Naye pamalinyengo ova li vahapu.

Opo natango konima yomafiku opa udika momudingonoko etopo linene peengulu dofikola. Ongula eshi kwa sha, ova mona nokutya oshitopolwa sha kula shomatungo, osha ongotela momute. Oku na ehapu la itavelwa kuvahapu vomomudingonoko oo, kutya meyee lomundilo, ofikola eshi tai pi oufiku, omwa monika oipala yOvatilyane.

Omukwetu ina mona ekoleko komupopyo ou. Omukwetu oha shakeneke yo ovanhu vahapu pefimbo eli, ovo ve na oumbada wokuninga oumbangi moanima ya fa oyo.

Pahepu e li la fika kombelewa yOmukwetu, oiningwanima aishe ei oya lopotwa diva ketanga leameno lopopepi nonhele oyo, mokamba yaMungwelume, ndele inaku monika ekwafo lasha, nelipopilo ola li, kutya kave na oyeendifo okuya ko, ndele otava lombwele okamba yaHhangwena i shi ninge. Efiku olo ole lipitila inava mona omunhu.

Ovakwashiwana vahapu moshitukulwa eshi shoita otava hepekwa komahalwifo oilonga yomunyonena mefimbo loufiku, oyo tai ningwa kuwalye, nande pa tulwa vati oveta youfiku okwaamena ovakwashiwana.

Sebulon Ekandjo

OILONGA YOMOUFIKU PEUMBO LOMUKU-LUNHUFIKOLA HAIMBILI

Oilonga yomahalwifo oufiku mokati kovakwashiwana omafiku 23 na 24.4.1987 oya pitile peumbo lomukulunhufikola Israel Haimbili mOkambebe mOukwanyama.

Oya fiya ofikola yaye Okambebe Comb. School, momute, neembululu nhatu momutwe woshihauto shaye. Okambebe oke li lunga eekilometa 40 kouninginino waShakati noke li yo eekilomeya 15 nongaba yaAngola.

Eti 24.4.1987 ovalumenhu vavali ova fikama pomuvelo weumbo laHaimbili onguloshi tava indile va yeululwe. Omushamane Haimbili eshi e va minikila notoshe, okwa hanga va kwata eendjebo davo ve li longekida. Okwe va udanekela oku va yeulula, nomokafimbo oko, okwa longekida ovaneumbo laye aveshe nova faduka po momulaulu.

Konima yokafimbo ova uda omauta tae li nyenge, nongula eshi kwa sha, ova hanga oshihauto shavo, oToyota yobaki, sha ululwa neeholo nhatu momutwe.

Oshiningwanima eshi osha tetekelwa



Meme Haimbili ota ulike opo eeholo da yasha oshihauto shavo

Etalelopo laPata mOseko yaEengedjo

Omafiku 12.4.1987 Pata Walter okwa talela po oilyo yOngeleki yaye mofikola Eengedjo. Osha li oshikando shotete, eshi okatuwa kOngeleki yaKatoolika kaRooma ka pitila momuvelo wofikola. Engafifi lovanhu ola hangika la fila Pata enota neenghono.

Oivilo oya li iyali efiku olo. Shotete otwa dana manga Oshondaxa yoivale. Eshi Pata a mana okuyambeka eembale, okwa yandja elombwelo keshe umwe a mone oluvale. Otwa ya momikweyo mbali dile ndele hatu dingilile osaala, ye e li komesho. Hatu imbi omaimbilo aHosiana. Hatu denge nee omaimbilo Oshikatolika.

Konima yOsoondaxa yoivale otwa ya moshitukulwa oshitivali, "Emisa". Omwa leshwa eendjovo edi Mat,26-27 aeshe avari. Pata okwa holola kutya Jesus oku li mondjila yokuya komahepeko omolwetu. Okwa twa yo ovanhu omukumo va ha tile okuhepekelwa oshili, Jesus okwa li yo a humbata omushiyakano. "Oiponga, omaudjuu, omafininiko nosho yo oiimbi aishe oyo omishiyakano detu. Onghee otu na okuhumbata fiyo twa fika puJesus.

Okwa ti yo Ongeleki keshe elalakano layo omunhu a xupifwe. Shimha ashike a itavela Jesus, Omhepo Iyapuki, naKalunga Xe. Okwa ti natu ilikane, natu holafane fye natu lididimikile momaudjuu. Natu humbate omishiyakano detu.

"Olwo lwotete nolwaxuuninwa handi yakula Emisa apa pEengedjo, osheshi konima yaPaasa ohandi ka ya kefudo koNdowishilanda nokonima yefudo lange ohandi ka tuminwa kuAfrika laumbuwanhu," osho a tumbula konima yokupandula ovanhu.

Ovanhu ova li ve dule 1000, ovanafikola kumwe naavo vopomudingonoko ovo va li va ongala

efiku olo. Aveshe ova li nomhepo imwe. Engafifi lihapu ola li OvakwaLuther. Omwa li yo eengudu dolwiimbo. Eshi twa fika pexulilo, okanona keshe oka li ka hala okufanekwa




Pata otava dana Oshoondaxa yoivale

naPata, ndele ine shi pitika omolwetango la toka. Eshi a dja mo keshe umwe okwa li a hala okuxumbata ondjato ile e mu minike yo tuu nee.

Ndowishilanda," oyo ya li oitya yaye yaxuuninwa nokwa ya.

**Petrus Tushihafeleni
Eengedjo Secondary**

"Ohandi ke mu nyolela ngeenge nda fiki mu-



Pata P. Walter Jüptner



Ovadali kumwe novanafikola tava imbi va landula Pata pefimbo tava dingilile osaala

Ova shangela nge tava ti

Ovalandifi vomalodu nelongelokalunga

Omunhu oto hange momaumbo avahapu pefimbo eli hamu dungwa oikolwifa, ndele mwene weumbo oku na oshipango shokukelela ovaneumbo laye kelongelokalunga, kongeleka, vati opo va landife.

Ou ho ningi ngaha, kala u shi shi kutya ku shi eshi to ningi. Inatu lieteleni etimba lokupulwa kuKalunga ovanhu ovo twa imba kelongelokalunga.

E.D.Michael
Mariental

Eputudho lyopakriste nali dhigininwe

Ngame mwene ondi li omulongisikola yOsoondaha nonda hala okulumbwela oshigwana ashihe shaNamibia kutya: "Oshigwana oshiholike", omwa fa kamu uvite ko osikola yOsoondaha kutya oshike? Ngame nangame inandi tameka owala omulongi ihe tango onda longwa, opo konima te ningi omulongi gwayakwetu.

Meme natate mu li moshigwana, one naana tamu eta oshiponga sho itamu tumu aanona yeni koosikola dhosoondaha. Olundji onda mono aakuluntu yamwe haa ti kutya aanaona yawo ohaa hepekwa ngele taa yi kosikola, nenge taa ti aakelesiti ye na iinima oyindji, uusikola wOsoondaha owashike ishewe?

Ohenda onene ngele osho u li ngaaka. Ngoka u shi kutya osikola yOsoondaha oshike, pulakena: "Osikola yOsoondaha oyo eputudho lyaanona, taa vulu okuputudhilwa ukriste." Otashi vulika u kale naanona yoye megumbo wa mwena, ihe kotoka oto ka pulwa.

Onda li nda kumwa mokumona omunona gumwe ta ti, kutya kosikola yOsoondaha ite ya ko, oshoka aniwa ihaku dhanwa iidhano. Ihe tala oshi li ngeyi: "Osikola yOsoondaha oyi na sha nelongo lyopakriste."

Esiku limwe manga te longo aanona yandje, ohaluka tapu ende okanona. Onde ka ithana nonde ka pula. Olye e ku shita? Okanona oka yamukula kutya oka shitwa kuyina. Ihe shika oshi li mondjila, okanona inaka puka. Oku uvite kutya yina sho e ka vala, oye e ka shita. Ihe shika ohenda onene tayi etwa kaakuluntu yetu. Tumeni aanona yeni koosikola dhOsoondaha, opo ya putudhilwe ukriste.

Hilja Sh.Iita
Nuuyoma Secondary School

Oshinakugwanithwa shomvalele kehe yaNamibia

Tse ongaakwashigwana yaNamibia otu na okukala tu hole oshilongo shetu, naamboka taa lalakanene uwanawa wetu.

Aanaskola ooyakwetu aaholike, osho wo aagundjuka komahala gi ili nogi ili, otseni oshigwana shangula notse omeho goshigwana ngaashingeyi. Otwa tegelelwa tu paleni wo ondjila, moka

omukwashigwana kehe e na okweenda, opo kwaadhike ombili tayi kalelele muNamibia eholike.

Osigo uunake tatu kala tu na ehala lyokumona emanguluko, tse itaatu ningi sha? Shika osha fa owala omunepya e na epya lye ewanawa, ihe omvula nando nayi loke ngiini, nonku yimwe oye mu nyenga okupola.

Aanandumbo nomunepya nguka otaya kala ya nyanyukwa uuna epya lye tali si embungu, oshoka omunepya nguka ote ki iyadha mekanitho enene. Onkene ano aamwameme natu indileni Kalunga ketu e tu pe oonkondo, opo tu kaleni noshilwa shi shi okutalwa mekondjelomanguluko lyetu.

Ohandi yemata unene uuna nda tala aamwameme ya kwatela komeho omutondi. Aantu ye na oondunge ndele oya kuthila oshigwana shawo iiti. Oshigwana sheni oshe mu ningi shike sho tamu shi hepeke noku shi dhipaga? Kalunga kesilohenda ote mu ithana, opo mu gamuke ko komutondi, mu kale mu na oshili mekondjo lyeni okukondjela oshihepekwalongo sheni. Nena ngele ngoye omushitwa gwaKalunga, omolwashike itoo uvu ko eithano ndika?

Nekwatho lyaKristus natu itulii mo moshinima shika.

P.Shivute

Omwene oye omukwateli komesho wetu nomefimbo loshiwana shi li modjuu:

Otu shii oudjuu ou wa kwata ko oshiwana shetu. Pamwe owa etwa kwaashi itatu lidilulula. Alushe ohatu lombwelwa kutya oikolwifa natu efe. Ndele natango onghe ngoo hatu nu: Ehol.22:15 otaku tiwa eengholwe mouhamba waKalunga itadi i mo, paife ngee ohatu kondjele shili exupifo omolwashike nee itatu efeni oikunwa?

Natu efeni hano oikolwifa naai aische tai tu ondubo nehala laKalunga. Ndee hatu kala shili ovayuki, ngeenge twe liameke kOmwene. Naye yo ota ehene kufye nde ta file onghenda oshiwana shaye shaNamibia, ndee te tu mangulula ngaashi a mangulula Ovaisrael moupika waFarao ohamba oyo ya li muEgipiti.

Natu lituleni momailikano. Tu ilikaneneni ovakwetu ava ve li kokule nehala kaKalunga. Ngeenge hatu tula oukuni kumwe, Omwene naye ote tu mangele kumwe. Ndee ta pitifa moup yakadi ou.

Nafye ovanafikola tu lituleni momailikano, tu efeni oikolwifa shaashi ohatu nweni unene. Ngeenge osho ngaho, Omwene ote tu kwafa nee ngahelipi? Noshiwana shokomesho otashi kala ngahelipi? Eimbilo 282

P.Ndapewoshali
Oshela Secondary School
Box 334

OMAHALELOYAMBEKO

Otandi halele Omuwiliki gwoprograma, Ombimbeli otayi ti ngiini, omayambeko gaTate Kalunga. Kalunga ne ku gwedhele ko oonkondo okuwilika oprograma yoye. Kalunga ne ku pe omayele mokufatululila aantu oohapu. Filemon 1:5-7. Aanyoli nane wo otandi mu kundu, 1 Tess.3:12-13. Nampongo ne mu pe oonkondo millonga yeni.

Josefat Natangwe Eino
Etalaleko Sec School

OSHI LI TUU MONDJILA?

"Oshoopala tuu, noshi li paukriste okushanga omadhina gaakwanegongalo mboka ye na oongunga dhiigandjwa megongalo noku ga tsilika komakuma ga leshwe kukehe ngoka te ende po? Aasitagongalo yamwe oya longitha omukalo ngoka.

Ngame onde shi tala ko nee -omukalo tagu eta ekukuto maakwanegongalo, oshoka okutseyika kutya oonima noonima oyo aanangunga, esiikululo nenge ndi tye eyambululo lyomuntu.

Nandi pukululwe mwaashika.

Inekela Imene
Elombe

NANDI KU PULE YOO

Ame omukwaneongalo laELCIN nondi hole okulesha oifo ei Omukwetu nOmukuni nondi na epulo apa kutya:

Omolvashike ovakwaneongalo vamwe ngeenge va fi, hava yapulilwa mongeleka, omanga vamwe hava ka yapulilwa ashike komaendo, vo nande aveshes ovakriste.?

Ope na vamwe ovo ve na oukriste u dule wavakwao, ile hano omaongalo opo okwa ninga okatongotongo? Onda nyengwa koshinima sha tya ngaha unene muElcin.

N.T.Nakweenda
Oranjemund

ENYAMUKULO

Omuleshi Nakweenda, epuniko lomidimba ongaashi naanaa omapuniko makwao ohaa ningilwa ponhele keshe notali kala la wana filu filu ngaashi likwao. Okuya mongeleka ile oku ha ya mo, ohashi di meendafano loonakufiwa po nomufita, omolvomutenya, odula, ile ondjokonona ile yokufya opo va ha kale momutenya efimbo lile, osheshi ope na fiku limwe ovapopi vahapu ile keshe tuu. Ngeenge efudiko ka linene po kape na omutenya ile odula, omolvashike ovanhu itava yapulile ashike mo maendo?

Hamushanga wOmukwetu

EDIMBULUKIFO LEPUKO MOSHIFO

Omufimanekwa,

Ohatu ku dimbulukifa epuko la holoka moshifo shoye shOmukwetu waMaalitsa 30,1987 mepandja 4, koshi yoshipalanyole: "£ 900 000 nayi gwanene Aanamibia: epangelo lyaBritania lya ti."

Epuko oli fi mokapragrafu omo mwa tya kutya Oraata yeengeleki yaBritania (BCC) oyo i na sha nokuyandja oimailwa younafikola kovahongwa vaNamibia muBritania.

Shi li mondjila oimaliwa ohai yandjwa kOraata yaBritania, ehanganano lepangelo lokuwilika oinima younafikola, tali shi ningi medina loshikondo shomapendulepo shaBritania koilongo yopondje.

Oshikondo eshi osho shi lile po okuyandja oimaliwa younafikola kOvanamibia, ndele haRaata yeengeleki yaBritania nande. Ohandi linkele kutya oto ka pukulula epuko olo.

Priscilla Hishikushitya
NCC, London

++++
DIDILIKA: Omuleshi omufimanekwa, otwe ku pandulila epukululo loye liwa, opo tu tule mondjila osho twa pukifa. Tangi.

Hamushanga wOmukwetu

A HULITHA

Kuku Tusnelde Kaunapawa (Shikukuma) Haipinge, mOkahao mOngandjera, okwa mana oondjenda dhe 23.4.1987 muwehame wethimbo ele. Oye omukulukadhi gwomusitagongalo Elia Haipinge mboka ya tumine kOngandjera 1942 yu uvithe evaangeli hoka.

Okwa hulitha mepipi lyomimvo 67 nokwa thigi ko omusamane gwe noyana 9. Aantu taa tengekelwa 1200 oya li ya kala pefumviko lye ndyoka lya ningwa 3.5.1987 mOkahao.

Kuku Fransina Tshikongo (115) 7.1.1987 megongalo Othika, mUukwambi. Okwa thigi ko oyana yatano naatekulu 21 aatekululwa 12.

*Kaundo Tshikongo
Othika*

Sakaria Nanyemba (75), 13.11.1986 muwehame wethimbo ele megongalo Uukwiyu. A kala omukuluntu gwegongalo omimvo 12. Okwa thigi ko omukulukadhi noyana 6. Eimbilo 659 Eps.86.

*Siloanus Nanyemba
Uukwiyu*

Abed Tomas Shapange (24) eongalo Onghala Odibo, okwa xulifa 5.4.1987 moshiponga shoboma. Okwa fiya ko ovakulunhu vaye nosho yo ovawaina. Job.1:21.

*Lukas Tomas Shapange
Eengedjo Sec School*

Ehekeleko

Andreas K. Amukugo ota gandja omahekeleko kaakwanczimo ayehe nookuume omolweso lya Willebard Nakanyala Okankololoshe, nguno a li a mana oondjenda 17.4.1087 moshipangalo shepangalo mOshakati Kalunga ne mu hekeleke. Hebr 3:14-15.

*Andreas K. Amukugo
Walvisbay*

Omukulupe Abed Ekaku (106) megongalo Olukonda, 20.1.1987 mOnandjokwe muwehame wethimbo ele. Okwa thigi ko omuselekadhi gwe noyana 4 naatekulu 12 naatekululwa 6. (Joh.14:1-4; Eimbilo 269)

*Saara Nd.Nafuka
Uukwiyu*

Ohandi yandje ehekeleko kovakwaneongalo laEembaxu nosho yo kOvamhedi osho kovakwanedimo vanakufya Tate Lucas Haulyaauke, ou e mu fiyapo. Hekelekweni mOmwenene Eps.27:1-11.

*Filippus Shipahu Hanghomo
Windhoek*

Tobias N. Nepolo, mEgongalo Olupumbu mUukwambi, 5.12.1986 muukokele womimvo 112.

Eimbilo 651:2-3

Kaafilipi 1:20-21

*Wilhelmina A.Sh.Nepolo
Olupumbu*

Oonkundana pafupi

Ondjala yaMozambikwe

Ewilikongundu lyombelewa yomakwatho giigwana yuuyuni mOngongahangano yAakwaluther, olya tokola muMaalitsa gwa zi ko okugandja ekwatho lyoodola dhOshiyamerika \$ 3000 000 kuMozambikwe; aantu oomiliyona ntano moshilongo shoka otaku ti oya thikamenwa kondjala yekomba.

Mozambikwe osha mangulukile 1975 nopethimbo ndyoka Aaputu 450 000 oya fandhukile po oshilongo. Omahilathano gopapolotika meni lyoshilongo nopusiinda, osho wo omaluteni omanene oga nkundipaleke omahupilo goshilongo nonkalathano ayihe momimvo ndhoka dha zi ko. Aanona ye vule 300,000 taku tiwa oya kanitha oosikola omolwiita. Iipangelo 484 nayo oya pata.

Aantu 250,000 oya ka ninga oontauki muMalawi, 40,000 omuZambia, 70,000 omuZimbabwe, 4,500 omuSwaziland na 200,000 omu SA. Pauyelele wa gandjwa kEhangano lyesiloshimpwiyu lyuunona muuyuni miigwanahangano (UNISEF) meyovi kehe lyuunona, ohamu zi uunona 325 wokohi yoomvula ntano.

MuKotoba 1987, SA okwa tile ye ota ka hulitha po iilonga yokondhalate mbyoka hayi longwa kaAmozambikwe taa tengenekwa 68,000 moshilongo she, omoluwuushiinda wawo nepangelo lyaMozambikwe wa ningi woshigonga.

Oshikukuta shaMozambikwe shono sha tamekele 1983-1986 otashi yelekwa naashoka sha pitile muEtiopia momimvo tuu ndhoka.

(News Bureau 87-08)

Opaasa yoonkwatwa mu SA

Aambisofi yOngeleki yaKatoolika mu SA noyOngeleki yaMetodisi noyaAnglikana oya li ya ningi elongelokalunga lyowina pethimbo lyapaasa omoluunona 13,194 tau tengenekwa u li natango moondholongo dha SA.

Omumbisofi omukuluntu gwaAnglikana, Desmond Tutu nomutetekeli gwe omumbisofi Philip Russell, oya li yi itula kumwe nomumbisofi gwaKatoolika Denis-Hurley nomumbisofi Michael Nuttall gwaMetodisi okukwatela komeho elongelokalunga lyokudhambuluka oonkwatwa. Paveta ndjoka tayi lele ngashingeyi mu SA oveta yokangendjo, shoka epogolo enene momeho gepangelo okuholola ohenda kumboka ye edhililwa paveta ndjoka.

Pauyelele wa gandjelwe koministeli yuuyuku nelandulathano omusamane Andrian Vlok muFebuluali numvo okwa ti mondholongo omu na 281 wokohi yoomvula 16; utatu wokohi yoomvula 12; 18 woomvula 13; 91 woomvula 14; na 169 womimvo 15.

Pahokololo lyokomitiye yowina yaavali yaanona mboka ye edhililwa, oku na natango uunona 40 womimvo 18 inaa holokela momwaalu gwa gandjwa koministeli Vlok, notaa indile nagwo wo gu gwedhelwe mo.

“Ongeleki itayi vulu okwiidhidhimikila aluhe ukayamukulwa wepangelo okuuthila Ongeleki shoka yi na okugalikanena naashoka kaayi na oku shi galikanena,” osho omumbisofi Wilfrid Napier, gwaKatoolika a popya.

Aambisofi okuya mongeleki oya li pamwe nosheendo sha humbata omishigakano 40, endhindhiliko lyuunona 40 u li natango moondholongo dha SA. (Seek, Apilili 1987)

Oshoongalele shovanyasha vaAnglikana mounyuni aushe

Oshoongalele shotete koludi lasho mOngeleki yaAnglikana, otashi ka ongela ovanyasha aveshe mounyuni muBritania neudo. Elalakano lasho;

a) Ovanyasha va shiivafane nova dimbulukwe oukumwe wavo mOngeleki.

b) Ovanyasha ovo ve li komakule ounyuni va kandle po oudja.

c) Okupaafana omadiladilo mominghoko da yooloka.

d) Okupendula po oukumwe wehangano lovanyasha mOngeleki oyo aishe.

e) Okupamekwa meitavelo lavo.

f) Okulihonga natango elongelokalunga pangeleki yavo.

g) Nokutala yo oinima tai kumu onghalo yavo ngaashi omahepeko, elongifo leenghono nosho tuu.

Oshoongalele otashi ka tukulwa eengudu mbali. Ongudu yotete yovanyasha konyala 300 otai hovele 28.12.1987, nonhivali 3-8.1.1988. Omafaneko ovanyasha otaa ka tumwa yo koshoongalele shovabishofi kuLambath.

(Seek/April 1987)

OMBOMA YA FAALELE OOMWENYO DHAANTU YANE MOSHAANGO

Eti 25.4.1987 etopo lyomboma olya faalele oomwenyo dhaamatyona yane yomoskola pOshaango. Omadhina gawo ogo ngaka: Tobias Shimhanda gwomvula 19 nomumwayina Leonard Johannes (16) oyaandjaJohannes Nghilalulwa. Shimon Sakeus Shingulu (16) naMateus Tangeni yaJohannes Shingulu (14).

Inaku tseyika nawa ngele omboma oye yi adha mpoka ya monene oshiponga nenge oye ya po nayo. Ihe pamatengeneko goyendi oya fa ye yi eta po. Yo yene inaa yuuhala pamwe, nguno Tobias okwa ka lithile. Etanga lyegameno naapolisi oyi ile po wo.

Aanona nosho wo aakwashigwana ayehe ohaa pukululwa yaaha toole iinima. Eeno, oshi li mondjila lela. Ihe walyewo ngele naamboka haa humbata oomboma ngele nayo wo ohaa kunkililwa wo tuu opo ya gamene oomwenyo dhaantu yaKalunga kaye na oondjo.

*Sakeus Shaduka
Oshaango*

Ebandulo

Mwenyo gwandje hambelelela Omuwa, ngoye ino dhimbwa uwanawa washa e u ku ningila Ps.103:2

Onda hala okupandula Kalunga kandje omwaaludhi gwaavu ayehe, sho a aludha ndje momukithi gwombaadhilila gwa kwata ndje manga nda li milonga okuza 31.7. sigo 3.9.1986 sho nda tameke ishewe iilonga.

Otandi pandula wo oondhotola naapangi ayehe mOshipangalo shaKeetmanshoop, okuume amuhe mboka mwa li mwa talele ndje po, omwa kala nokugalikanena ndje, nomagalikano geni Tate Kalunga okwe gu uvu, nokwa pe ndje ishewe ukolele wolutu. Ano tate yomegulu ne mu gwedhele ko mwaayihe mwe yi ningile ndje. Omwa gwanitha ehalo nompango yaJesus Kristus ngaashi ta ti muJoh.13:15 lesa wo Joh.15:12-13. Ps.133:1.

**A.N.Shapaka
Keetmanshoop**

ESO

Sefanja Sakaria 59 mEendome, Ongandjera 13.3.1987. Okwa thigi ko oyana 12, naatekulu 10.

Sakaria Sefanja

OONKUNDANA PAFUPI

Oyendji ya kanitha iilonga

Aayamerika 68,000 okwa tiwa oya kanitha iilonga omumvo gwayi, sha zi mepato lyoongeshefa dha-Amerika mu SA omolwoprograma yondjindikila yiipindi. Aaluudhe mu SA 320,000 nayo oya kanitha iilonga pamukalo ngoka.

Uunona mondholongo

Uunona 1,424 womimvo dhopokati 12, sigo 18, okwa tiwa owa tulwa mokakuma okuza 15 gaApilili nuumvo paveta yokangendjo mu SA. Papopyo lyaMayo-landjayi F. Steenkamp uunona womimvo dhi ili nodhi ili we edhililwa esiku ndyoka ou thike 4,244.

(Advertiser 27.4.1987)

Uuvu waAids muEuropa

Pakonakono ndyoka lya ningwa kehangano lyuundjolowele muuyuni (World Health Organisation)(WHO) omumvo gwa yi, otali ti omukithi omupe gwoAids otagu taandele neulumo miilonga yaEuropa.

Eindjipalo li vule agehe olya monika muFulanisa moka aantu 171 ya monika ya kwatwa komukithi. MuItalia aantu 156 muNdowishilanda lyuuninginino 15 muBritania 98 nomuSpania aantu 63 aape ya dhimbululwa.

+++++

Oshilonga shOngeleki muAngola

Euvathano olya ningwa muNovomba gwa zi ko pokati kOraata yOngeleki onkwaLuther muAngola, kOngeleki ya ELCIN, nokOngongahangano yAakwaluther opo ku tamekwe nooprograma dhomakwatho kumboka taa kanitha omahala gawo muAngola osho wo koontauki dhaNamibia nodha SA.

Pashifonkundana shOngongahangano yAakwaluther; LWF - Information, epangelo lya-Angola nalyo olya taamba ko elongelokumwe ndika. Otapu ki itulwa wo mependulo po lyaanashilonga miilonga mbyoka, kekawatho lyOraata yoongeleki moshilongo.

(Lwi - 5/1987)

BOTSWANA

Oshikondo shomapendulopo mOngongahangano yaAkwiluther oshi ipyakidhila pethimbo ndika nokutopola iikulya, oombuto, iigandhi osho wo oompumbwe dhilwe nomeya komikunda dhondjala muBotswana.

Onkalo yoshikukuta otayi hepeke miitopolwa oyindji yoshilongo shoka, noshikondo shomapendulopo melongelokumwe nepangelo lyaBotswana osha dhika po oprojeka yokumbolliha iikweyo koombinga noombinga dhoshilongo.

UGANDA

Oontauki 90,000 dhaUganda ndhoka dha kala muSudan, ngashingeyi odha shuna kegumbo kekawatho lyoshikondo shomapendulopo shOngongahangano yAakwaluther, melongelokumwe nombelewa yoontauki miigwanahangano.

Omakwatho gopauamapya nago wo otaga topolelwa aantu mboka opo ya tale nkene taa tameke ishewe onkalamwenyo yawo ndjoka ya li ya mbonyauka po komafadhukopo.

ESHI SHA NINGWA MUNAMIBIA NALE NOPAIFE

- 1965 - Ehanganano loukumwe loilongo yaAfrika ya mangeluka (OAU) la tambula ko SWAPO ongongudumangululi yaNamibia.
- 1966 - Omutumba waaveshe wOiwanahangano (UN) wa xulifa po elelo la SA muNamibia nowa ufa SA e li-kufe mo muNamibia.
 - Okakulumbwati ka SWAPO ka hove yo meni loshilongo lwotete fiyo onena okukondjifa ovakwaita va SA.
- 1967 - Oraata yaNamibia kOiwanahangano ya dikwa ko UN noya pewa oshisho i lele Namibia fiyo la mangeluka.
 - SA Oraata ei e i anyena okuuya moshilongo okudja mofiku olo.
- 1968 - Omadumbo pamufika wopaife a dikwa ku SA muNamibia.
 - Epangulo lotete loilyo yaSWAPO 38, okutamanekelwa oveta youkulo la hovela lwotete mu Pertoria. Mokati kavo omwa li Andimba Toivo ou paife e li Hamushangandjai wa SWAPO. 21 ova pangulilwa odolongo yokukalamwenyo kOnhunhu yaRobben.
- 1971 - Etokolo lomhangu younyuni la yandjwa olo la ufa kutya SA mu Namibia oku li mo pondje yoveta.
- 1973 - SWAPO a tambulwa ko kOiwanahangano (UN) kutya oye aeke omukalelipo woshiwana shaNamibia.
- 1974 - Oveta, Decree No.1 okwaamena olupuna waNamibia wopashitwe oya totwa kOraata yaNamibia kOiwanahangano.
- 1975 - Angola la mangeluka nola yandja onhele kuSWAPO a longele mo.
 - Oshoongalele shoTurnhalle sha totwa muNamibia ku SA oku kondjifa SWAPO.
- 1977 - SA a nangeka Ngoloneyandjai mOvenduka ou e na eenghono okutota eeveta noku di tula moilonga.
 - SA a tula yo Ombaye i ninge oshitukulwa shaye.
- 1978 - Oraata yeameno yoiwanahangano oya tunga omufango ou tau twalifa memangeluko la Namibia pashitokolifo 435, okupitila mehoololo laaveshe loshili nola mangeluka.
 - Aveshe SA na SWAPO va tambula ko efaneko, ashike SA a anya li tulwe moilonga fiyo onena.
 - Ponhele yokutula efaneko moilonga, SA a tula po o DTA i lele oshilongo, oyo ya ekelwashi koshiwana nokounyuni.
 - SA a ponokela eekamba deenhauki daNamibia muAngola omo a fiya Ovanamibia ve dule 700 va fya.
- 1980 - Oukwaita tau dengele mu SA sha ninga yo oshinakuwanifwa nokOvalaule muNamibia.
- 1981 - Eshakeno la SA naSWAPO okukundafana emweneko loita. SA a ponyifa eenghundafana. Oda ningilwa muGeneva.
 - Epangelo lipe muAmerika mewiliko laReagan la umbila endangalati lOvacuba memangeluko laNamibia. Ounyuni wopondje yo wa ekelashi ediladilo eli.
- 1983 - Epangelo lo DTA la teka po SA a shuna vali elelo loshilongo momake aNgoloneyandjai.
- 1984 - Natango eenghundafana demangeluko laNamibia da ponya muLusaka, SA a kanyatela pOvacuba muAngola.
- 1985 - Oshoongalele shopashiwana sha nangekwa mOvenduka shi lele Namibia. SWAPO neengeleki noshiwana shihapu va ekelashi omhangela ei.
- 1986 - Omupresidende wa SA, P.W.Botha a ingida kutya oshitokilifo 435 shOraata yeameno otashi tulwa moilonga okudja lotete laAguste, ashike ongeenge Ovacuba va dja muAngola. SWAPO a ekelashi eppyoye lomushamane Botha.

ZAMBIA

Epangelo lyaZambia olya gandja ehala lyookilometa 500 koontauki dhaMozambikwe dhi andalale mo ita yopaukwashigwana mbyoka tayi vundu moshilongo shadho (shaMozambikwe). Aantu 25,000 oya fadhuka po muMoza-bikwe moka 10,000 ye li aanamagumbo.

Ombelewa yoontauki miigwanahangano kumwe noshikondo shomapendulopo shOngongahangano yAakwaluther muuyuni oya tameka nale oprojeka dhomakwatho kaantu mboka.

Epangelo lyaZambia olya adhikwa lye edhilila nale oontauki dhaNamibia, dhaAngola nodha SA, ndhoka hadhi silwa oshimpwiyu komahangano ga tumbulwa pombanda.

Ehokololo otali ti kutya okuza nuumvo petameko, eyakulo lyopakriste olya tameke wo nomookamba dhaafadhukipo ya SA. Ehanganano lya ANC oli na omusita gumwe awike. SWAPO oye ehanganano ekondjelimangeluko lyotango muAfrika mookamba dhalyo mwa longekidhilwa eyakulo lyopaukriste.

Tutu omuyenda gwaSoomi muAguste

MuAguste tagu ya omumbisofi omukuluntu gwOngeleki yaAnglikan mu SA, Desmond Tutu, ota ka talela po Ongeleki onkwaEvangelu muSoomi. Hwiyaaka ota ka kala omupopi omunene moshituthi oshinene shOngeleki, shono hashi dhanwa omumvo kehe omutiyaali. Nuumvo oshituthi otashi ka dhwa-nwa oluti 33, okuza sho sha totwa.

Aantu yomayoyi ogendji ohaa gongala moshituthi shoka.

VACANT POSITIONS IN THE CCN

The Council of Churches in Namibia has vacancies in the following positions:

1. The Associate General Secretary
2. The Director of Contextual Theology Unit
3. The Director of Formal Education Unit
4. The Director of Non-Formal Education Unit and
5. The Director of Legal Aid Unit

Please take note that Saturday May 16.1987 will be the deadline for closing receiving applications.

Interested candidates should contact Dr Abisai Shejvali, General Secretary of the CCN or Mr. Immanuel Ngatjizeko, the Treasurer of the CCN at the following address;

Council of Churches in Namibia
P O Box 41
8 Mont Blance Street
WINDHOEK, 9000

NAMIBIA NDA HALA!

Shitunda nda hala shi manguluke
Shilongo nda hala shi ze muukoloni
Pamwe komalutu tatu pepelelwa
Koomwenyo tu mone efudhupo
Namibia nda hala!

Otu li meiyekelero, tu li
muupongo tatu lili
Molwevi li li moomango
Molwoshilongo shi li momalyenge
Walye kutya uunake tashi manguluka
Namibia nda hala!

Muumbangalantu waAngola
Mu nombinzi tayi tika
Mu nomutondi ta hepek'oshigwana
Ta dhenge, ta pondo ye ta dhipaga
Namibia nda hala!

Nampongo tu tala, Kalunga tu konaakona
Tala nkene tatu lili muupongo,
Uunake to nengeneke oomwenyo dhawo
Oluni to teya omukumo gwoonakudhipaga
Namibia nda hala!

Kalunga yululula omalyenge
Ootate moonholongo ya ze mo
Aamwameme koongamba ya galuke
Ye ye tu nyanyukwe pamwe nayo
Namibia nda hala!

Ku Ndemwaaluka Inesensia Mary
Mwaala Secondary School

ESO

Kuku Anna Mumbala (174), Eloo, 13.1.1987, okwa thigi ko oyana 4, aatekulu 8, naatekululwa 124. Oohapu Eps.6. Eimbilo 190.

Marianne Ndapewa Lamek
Afoti-Onaanda

Omusamane Matias Iiyambo (71) mOshiteyi mOngandjera, 18.1.1987, okwa thigi ko omuselekadhi noyana 7 naatekulu. Eimbilo 455.

Aina N.Shaanika
Omuthitu Comb. School

Meme Elimi Rehabeam Nakumbwata okwa mana oondjenda ombaadhilila 27.12.1986.

Beata K.Kapenda
Omaalala School

Kuku Sulvia Kambindja Ipinge, mOgongo, mUukwambi muukulupe womutoko. 1.2.1987. Okwa li e na omimvo 104. Okwa thigi ko oyana 4, aatekulu 77, naatekulululwa oyendji.

Petrina J.Shikomba
Dobra R.C.Training School
Windhoek

Stefanus Leonard Kamati, egongalo Oshaango 13.2.1987 muuwehame wethimbo ele. Okukala kombanda yeve oko oomwedhi hamano netata, okwa thigi ko he nayina naamwayina.

He Leonard F.Kamati

Okanona Maria N.Reinhold Martin okasheeli kameme Marta Reinhold (13), megongalo Okaku mOndonga, 24.1.1987 moshipangelo shaShakati.

M.Tangeni yaMbahe
Okaku

Omulongi gwsosikola kOnelago mOmbalantu Kleopas M. Haipanda (23) okwa thigi ko he nayina naamwayina. Esiku ?? Aanelago aanambili oyo taa ka mona Kalunga.

Peha Iyaakawanezimo
P.Sakeus

Embwiitya epe lya holoka

Mositolamambo ya ELCIN pOniipa, omwa holoka omasiku ngaka embo epepee koludhi lwalyo, embwiitya melaka lyOshindonga nOshiingilisa, (Ndonga-English Dictionary).

Embo ndyoka olya zi miilonga yeshiililo nonekonakono lyelaka lyOshindonga muule womimvo odhindji komusamane Toivo Emil Tirronen kekwatho lyaavalelwa mo.

Kepandulo lyoshilonga shika sha hololwa po, omukuluntutumwa nale mpaka mOwambo, omuhongi Alpo Hukka, okwa ti "Embo ndika noondunge ndhoka dhi li mo odho eipaleko kaailongi aagundjuka naakuluntu mboka haa longitha notaa landula elandulathano lyelaka lyOshindonga."

Omvalele yomoshilando shaMikkel muSoomi, Tirronen, omulongi nomudhiki gwsosikola yokOmbanda yOngeleki mOshigambo. Embo ndika lya humbata iitya 23,847 okwe li thigi metifa lyelongekidho sho a zimbulwa muuyuni mbuka 15.7.1981.

Ondando yalyo yombiliha R25.00, oya ningwa owina okusikumudha aagundjuka yi imonene nuupu omuwiliki gwOshindonga mokwiilonga kwawo. Endelega ano wi imonene po lyoeye.

Eputudho

Kaaputudhi amuhe aasimanekwa,

- * Natu kambadhale okusila aanona oshimpwiyu momagumbo.
- * Kambadhala waa pitike okanona kepipi eshona kaa ye megumbo etango lya ya mo.
- * Ino gandja oshimaliwa waa shi shoka tashi ka landwa komunona.
- * Ino pitika omunona a makele omakaya, iikolitha nosho wo yilwe.
- * Ino ninga omunona gwoye omupindi gwoongoma, omulandithi guupana poompagilila dhoondjila.

Komukalo gwa tya ngeyi oto putudha omunona a kale e shi okuzapo nokuyapo. Uunona momalukanda otatu kongo mo shike? Natu kambadhaleni ngaa okuhumbatathana moshigwana. Ihadhi gwanene mutse gumwe.

Angula Jacky Mecce
Ondangwa 9000

OMUKWETU

Oye oshifo shOngeleki Onkwaevangeli paLuther yomuSWA/NAMIBIA.

Ohashi nyanyangidhwa mOshinyanyangidho shOngeleki mOniipa.

Omukuluntu gwoshifo omumbisofi Kleopas Dumeni.

Amushanga gwoshifo omusita Sebulon Ekandjo.

Ondando yOmukwetu muNamibia naSouth Africa R6,00 komumvo.

Palwe muAfrica R10,00 nokombanda yomafuta R14,00 komumvo. Mondhila R17,00.

Oondando nomambesitelo agehe naga tumwe kOmukwetu, Oniipa, P/Bag 2013, Ondangwa, 9000.

ELOC PRINTING PRESS
PRIVATE BAG 2013, TEL. 11, ONDANGWA 9000
SWA/NAMIBIA